

四庫全書

史部

欽定四庫全書

史部

欽定八旗通志卷二

欽定四庫全書

欽定八旗通志卷一

旗分志一

國家朱果發祥肇居長白靈符神契與元鳥生民之  
詩炳燿後先賈哉源遠而流長矣迨公劉過澗亶  
父翦商

王迹所基艱難締造年祀綿邈舊制蓋無徵焉至

太祖高皇帝顯庸創制始立四旗復廣為八丕應徯志兆

姓歸往烏丸白霄盡入版圖楚材晉用鱗集還至  
正號紀元遂成

帝業凡蒙古漢人輸誠先服者亦各編為八旗列在親  
信迨

定鼎燕京統一四海有明舊臣率先慕義者皆得編在旗  
籍於是定兩翼之位列八旗之方拱衛

皇居星羅碁置又以鑲黃正黃正白為上三旗餘五旗  
統以宗室王公居重馭輕大宗維翰蓋皆創前古

所未有而建諸天地考諸三王若合符節粵稽史  
記天官書正義河鼓兩旗左旗九星在河鼓左右  
旗九星在河鼓右皆天之旗鼓以為旌表又九旂  
九星在玉井西南則天子之兵旗也周禮司常掌  
九旗之物名田之日司馬建旗於後表之中遂人  
起野役以遂之大旗致之蓋仰觀圓象惟聖憲天  
軍統於旗實符斯義至畫井之制以八家環公田  
握竒之法以四正四竒生變化數取於八尤三五

之遺軌焉我

世宗憲皇帝宣明

祖制特修八旗志書將使

謨訓功烈垂示萬世我

皇上御極以來已六十年加惠八旗

恩膏稠疊凡有續定章程更改條例其各旗佐領分晰

增添編立之處及一切襲補世次

特命詳查續輯美善益增永昭成憲敬稽

國初以來創立八旗緣起列居簡端而臚列各佐領於其後沿革規制載在舊章亦分類並著焉

旗分志一

八旗佐領一 滿洲佐領緣起

滿洲佐領緣起

太祖高皇帝辛丑年以諸國徠服人衆編三百人為一牛

录每牛录各設額真一

按國初舊制凡一軍一隊之長皆稱曰額真故當

時固山牛录皆有此名後以額真之稱太尊乃改固山額真曰都統改牛录額真曰牛录章京漢文

則牛录曰  
佐領云

先是我國凡出兵較獵不計人之多寡

各隨族黨屯寨而行獵時每人各取一矢凡十人  
設長一領之各分隊伍其長稱為牛录額真至是  
遂以名官

乙卯年以削平諸國每三百人設一牛录額真五

牛录設一甲喇額真

漢文稱  
叅領

五甲喇設一固山額

真

漢文稱  
都統

每固山額真左右設兩梅勒額真

漢文  
稱副

都統初設有四旗旗以純色為別曰黃曰白曰紅曰



藍至是鑲之添設四旗參用其色共為八旗行軍  
時地廣則八旗並列分八路地狹則八旗合一路  
而行

天聰九年正月免功臣徭役並

命專管各牛录拜尹圖三牛录有半額駙楊古利南褚各  
兩牛录巴布海察喀尼衛齊各一牛录公袞半牛  
录圖魯什原係內牛录因善於攻戰効力陣亡追  
贈為碩翁科羅巴圖魯另給其子巴世泰壯丁百

名使之管轄正紅旗和爾本董鄂公主格巴庫各  
兩牛录額駙達爾漢一牛录有半伊孫察木布星  
鼐布爾海阿山布爾堪馬喇希董世祿各一牛录  
巴哈納何洛會穆爾察蘭泰傳夸蟾各半牛录別  
給固山額真葉臣壯丁百名使之專管勞薩原係  
內牛录因戰功

賜號碩翁科羅巴圖魯另給壯丁百名使之專管額駙顧  
三台諾木琿各一牛录孟坦原係內牛录因陣亡

給其子艾音塔木壯丁五十名使之專管克什訥  
兩牛录喇瑪塞勒昂阿喇興塔額爾克遏必隆超  
哈爾敖對額駙蘇納巴彥毛墨爾根達爾泰各一  
牛录扈什布吳賴各半牛录英俄爾岱原係內牛  
录因勤於職事著有成勞另給壯丁五十名使之  
專管阿什達爾漢準塔阿喇密各一牛录阿山原  
係半牛录因戰功益以虎爾哈人為一牛录使之  
專管巴都禮原係內牛录因陣亡給其子卓羅一

牛录使之專管阿拜一牛录有半巴特瑪姚塔韓  
岱各一牛录吳達海鄂碩各半牛录吳訥格原係  
內牛录因戰功給一牛录使之專管星羅察木布  
喇瑪扈什布阿什達爾漢準塔阿喇密此七牛录  
未定或令專管或為內牛录

命仍舊暫留之是年十二月

賜豪格八牛录屬人阿巴泰三牛录屬人其餘莊田貨財  
牲畜等物量給衆人以正藍旗附入

皇上旗分編為二旗

崇德五年七月以索海薩穆什喀所獲新滿洲壯  
丁二千七百九人婦女幼小二千九百六十四口  
共五千六百七十三人均隸八旗編為牛录以薩  
爾糾英古往征庫爾喀部落時所獲新滿洲壯丁  
四十二人充補各旗披甲之缺額者又從前庫爾  
喀歸降進貢一百四十九人並新獲二百九十二  
人俱留置鄔朱屯中令每年進貢貂皮海豹等物

又以多濟里喀柱所獲四十三人亦補各旗披甲之缺額者

順治五年十二月編

盛京守整壯丁為十牛录

康熙十四年十一月

上諭恭親王常寧着在正藍旗純親王隆禧着在鑲白旗於恭親王將鑲黃旗滿洲旗分津布佐領噶布喇佐領正黃旗噶布喇佐領霍爾鈇佐領正白旗覺羅夸代佐

領覺羅布魯佐領蒙古旗分墨赫德佐領恩克佐領鑲  
黃旗蒙古旗分額卜根佐領正白旗漢軍李廷霖佐領  
李毓正佐領佟文玉佐領包衣正白旗滿洲阿那岱佐  
領正黃旗漢軍姚質義佐領正黃旗噶布喇所屬撥給  
於純親王將正黃旗滿洲旗分鄂莫克圖佐領阿世圖  
佐領蘇爾泰佐領正白旗穆舒琿佐領託進佐領鑲黃  
旗鍾內佐領鑲黃旗蒙古旗分哈喇爾代佐領白貝佐  
領阿畢達佐領正白旗漢軍旗分蕭養元佐領霍世榮

佐領李世靜佐領包衣鑲黃旗滿洲薩畢漢佐領漢軍  
劉格佐領正黃旗得希圖所屬撥給

三十一年四月議政王大臣等覆准寧古塔將軍  
佟保等疏言圖世屯地方四十里有白都訥地  
方係水陸通衢可以開墾田土應於此地修造木  
城一座錫伯卦勒察等所住鄉村於此處甚近俟  
城工完日由水路搬移查前議科爾沁之王台吉  
等進獻伊等所屬錫伯卦勒察達呼爾等一萬四



千四百五十八丁內可以披甲當差者一萬一千  
八百五十餘名分於上三旗安置今議齊齊哈爾  
最為緊要形勢之地應於錫伯卦勒察達呼爾內  
揀選強壯者一千名令其披甲與附丁二千名一  
同鎮守齊齊哈爾地方令副都統品級馬補岱管  
轄兩翼各設一防守尉每旗各設防禦一員俱屬  
將軍薩布素統領管攝白都訥地方修造木城將  
錫伯卦勒察達呼爾內揀選強壯者二千名令其

披甲即住所造新城令副都統巴爾達到彼教訓  
管轄兩翼各設一防守尉每旗各設防禦一員俱  
屬將軍佟保統領管攝再將錫伯卦勒察內與烏  
喇相近居住者揀選三千名移住烏喇地方令一  
千名披甲二千名為附丁

是年八月兵部覆准黑龍江將軍薩布素疏言白  
都訥等處駐劄兵丁四千八百有奇可編佐領八  
十入上三旗應如所請

三十五年九月議政大臣議得厄魯特降人編入  
上三旗佐領先是理藩院奏陸續來降之厄魯特  
大小人口共一千五百餘人向暫在張家口安插  
應令伊等赴京

上諭領侍衛內大臣等着取丹巴哈什汗等來京令副都  
統吳達禪乘驛而往同納喇善滿都遷來倘厄魯特有  
不願來內地者即從彼處送赴大將軍伯費揚古軍前  
着各給馬一匹遣回令彼往諭噶爾丹言彼若來降亦

待以顯榮其看守厄魯特之察哈爾兵各歸本地至解厄魯特降人來京着邊關官兵綠旗官兵轉遞押解并令戶部理藩院賢能官各一員前往沿途給口糧食物既取伊等來京應令議政諸臣會議編入派旗分佐領具奏至是議厄魯特降人應編入鑲黃正黃正白三旗滿洲佐領其內有父兄子弟不可離者如編入一佐領為數浮多則扣算一佐領人口其餘編入本叅領內之佐領內有年老孤身附入人口少者之

家給米贍養

詔從所議

雍正元年九月鑲藍旗都統貝勒阿布蘭等議將  
內務府員外郎常壽族中人等及伊堂叔額爾奇  
所管佐領下人盡移於正黃旗并將常壽帶領引

見謹按是年七月因諸王所屬下五旗多遭  
擾累奉有諭旨戒飭故有是議奉

上諭此等佐領若屢行移於上三旗則下五旗必致虧少  
矣着將額爾奇佐領從伊該王屬下撤出改為該旗公

中佐領額爾奇佐領下所有一等護衛圖巴海二等護衛永住暫留王處其餘官兵俱着於上三旗當差行走王府親軍二人着交內大臣令在上三旗親軍內當差若有缺出內大臣照例挑取其官員俸祿兵丁錢糧仍由本旗行文支領嗣後下五旗諸王屬下有應移佐領及統轄佐領之人無嗣者俱照此例從該屬下撤出改為該旗中公中佐領按左右翼令在鑲黃旗正黃旗當差行走將此着總理事務王大臣會同八旗都統等議奏

總理事務王大臣會同八旗都統等議覆臣等欽  
遵

上諭議得嗣後下五旗王貝勒貝子公及宗室等之屬下  
所有滿洲蒙古漢軍佐領內有應移入上三旗及  
獲罪應撤佐領統轄佐領之人無嗣者俱照此例  
由該屬撤出以為本旗公中佐領此公中佐領內  
文武大臣官員等止令本身按翼在鑲黃旗正黃  
旗行走如叅領佐領驍騎校等係在該旗供職辦

事之人仍應留於本旗其前鋒護軍等令在上三旗當差併照例挑取親軍官兵俸餉仍由該旗行文支取至馬甲步軍人等仍留本旗當差奏入奉旨補放外省駐防官及前鋒叅領前鋒侍衛等公中缺分仍由本旗揀選餘依議

二年十二月奉

上諭諸王將包衣佐領下人開出編為佐領令其兄弟子姪管理尚可將旗下人等湊集編為佐領令兄弟子姪



管理朕意以為不然雖係兄弟子姪亦各有定分宗室等豈可將人之定分佔據乎凡此等處應行區別宗室之為護國將軍等乃伊等分所宜然若以為佐領即成諸王之屬下矣其宗室覺羅之佐領惟朕可以役使耳令在王等門下以供役使王等既難自安又多掣肘之處理宜置之公中令在上三旗行走且閒散宗室內亦有專轄旗下佐領者若係王公理宜專轄豈可令宗室等專行統轄乎將此亦應撤出置之公中王等果能為

國宣力著有嘉行朕自將佐領添增賜給至於公等其宗室中長輩往往欺凌伊等擾累伊等屬下人竟習以為常公等亦不能相抗也縱令任意妄為其屬下人念係本公宗族亦不便於首告或千百之中僅有一二發覺耳其餘無辜而受累者甚衆也雖係卑幼亦專管一門之人以尊長而欺凌之可乎擾累其屬下之人又可乎爾等將此併行詳議具奏特諭裕親王保泰等尋議

覆

皇上軫念宗室召八臣等面加

諭訓周詳備至臣等欽遵

上諭查得宗室內鑲黃旗德融正黃旗受元寶山尚建寶  
正白旗增盛普瑞正藍旗巴進泰滿朱席禮小格  
卓賚達里祐巴世山汝福諾穆珠格爾賓及佐領  
下黑壽所管佐領俱係專管之佐領令其宗室等  
照常管理外鑲白旗宗室圖納阿禮納等所管之  
公中佐領原係該王奏請將包衣佐領下之滿洲

開出添給伊等管理者應將兩佐領所添之包衣  
滿洲等撤出併為一佐領令圖納阿禮納等互相  
管理所餘之兩佐領原係全分佐領仍照常為兩  
佐領置之公中令該旗大臣官員等管理鑲藍旗  
宗室鄧柱所管者原係合併佐領應令鄧柱回原  
佐領將此佐領交與該旗置之公中令該旗大臣  
官員等管理再五旗所有正藍旗之宗室汝福滿  
朱席禮巴進泰達里祐巴世山卓賚小格格爾賓

諾穆珠等之九佐領鑲白旗之宗室圖納阿禮納  
之互管佐領正紅旗之覺羅杜葉理齊祿談都伊  
敦德成錫德琿瑪喇希等之七佐領鑲白旗之覺  
羅納海里柱薩爾泰海蘭穆漢等之五佐領鑲紅  
旗之覺羅外敦增壽額禮赫常泰等之四佐領正  
藍旗之覺羅伯奇圖尹柱等之兩佐領鑲藍旗之  
覺羅哈克秦佟保柱等之兩佐領皆係宗室覺羅  
佐領不便留在王等屬下相應撤出移置該旗公

中令在上三旗行走伊等佐領及黑壽佐領亦係  
宗室等之佐領俱移置該旗公中令在上三旗行  
走正紅旗之唐喀七十九兩佐領內所有之覺羅  
等交該旗都統等俱移於覺羅佐領若將覺羅等  
移出其佐領至於缺人即將移給覺羅之覺羅佐  
領下人補還其缺鑲白旗之覺羅常堯鑲藍旗之  
覺羅傅格俱係管理公中佐領之人應暫留管理  
止將其本身移於覺羅佐領下令在上三旗行走

又查定例內未入八分公等以下並無專管旗下  
佐領之例鎮國將軍敬順楊桑阿輔國將軍法布  
蘭奉國將軍鄂齊禮奉恩將軍華玠間散宗室宏  
昉富元明俊海長鄂齊伊等有因其父革職或不  
准承襲將原管之佐領未經撤出者亦有族中子  
姪承繼產業因而仍據其所管佐領者今俱查出  
不應仍留於伊等將敬順所有之滿洲佐領一法  
布蘭所有之滿洲佐領二漢軍佐領一鄂齊禮所

有之滿洲佐領六蒙古佐領二漢軍佐領二華玠  
所有之滿洲佐領三宏昉所有之滿洲佐領二蒙  
古佐領二漢軍佐領二明俊所有之滿洲佐領一  
蒙古佐領二富元所有之滿洲佐領五海長所有  
之滿洲佐領二鄂齊所有之滿洲佐領一俱行撤  
出置之該旗公中又查宗室公等以上俱係掌管  
門第之人族中長輩肆意欺凌并擾累其屬下人  
殊屬不合嗣後有恃其長輩欺凌公等者照屬員



與上司相爭例治罪如擾累公等屬下之人照平人相爭例審訊議處奏入奉

旨將此關係佐領人等俱傳於初十日齊集箭亭候朕申降諭旨至期

上御箭亭

諭曰宗室俱係

太祖皇帝

太宗皇帝之嫡孫覺羅等雖世系稍隔亦未甚疎遠今宗

室覺羅各在該王所屬佐領下其中輩數居長之人該王有念係尊長不便動色相誠至於掣肘者又有不論輩數肆行辱詈者又有挑取護衛官員成就教導以禮優待者又有全不顧慮挑為哈哈珠子執事人詆及祖父待如奴隸以致太監等俱得恣行詬詈者此皆朕所深知如此無所底止則宗室覺羅竟等於奴僕揆諸禮制亦屬不合國家惟仰戴一主該王等各將宗室覺羅視為奴僕妄自尊大於理不大相悖謬耶從前

太宗皇帝時欲阿拜阿哥等各依附其兄故令附於豫通  
郡王等此特以其切近而令其依附耳並非以為王等  
屬下之宗室佐領也朕因念及此處特降諭旨交與宗  
人府茲據宗人府議奏將王等屬下之宗室覺羅佐領  
俱移置於公中今爾等或以祖父世居王等屬下情願  
仍在王屬下或以附於王等屬下歷年久遠竟成奴隸  
情願移於該旗公中在上三旗行走之處務各據實陳  
奏今王等果執大義將役使宗室覺羅無異奴隸之處

於心實覺不安且知非分咸各悅服爾宗室覺羅等知朕惇叙宗族之意誠心感戴實係情願朕始准行此事且宗室等雖在王等屬下亦係朕之臣子朕豈不得錄用不得役使耶今王等倘以歷年既久世為我等屬下而役使之無故將宗室覺羅佐領撤出心懷怨望宗室覺羅等又以世在王等屬下荷蒙教養撫恤頓將我等分析令在上三旗當差行走殊非我等本意是非兩皆歸怨於朕何必准行此事爾等其各抒誠陳奏朕今詢

問爾等不奏若退有後言恣意怨望者不但朕不寬釋  
即

上天

列祖之靈亦必鑒察矣今爾宗室覺羅內雖有一二人陳  
奏不過此一二人之意念耳不可謂衆志皆同也着宗  
人府之王等將朕所降諭旨逐一問明具奏倘有心志  
不同者另行繕摺具奏毋得隱匿欽此宗人府王等尋

覆稱我

皇上特念宗室出自

天潢

訓諭諄切區畫周詳臣等恭將

上諭宣讀諸王及宗室覺羅等咸各懽忻感戴情願謹依  
諭旨遵行合詞陳奏出於至誠仰請

皇上睿鑒施行奏入奉

旨宗人府議將宗室覺羅之佐領由王等屬下撤出置於  
該旗中公令在上三旗行走但將伊等佐領內護衛官

員置於該旗公中如何錄用及在上三旗如何當差行走之處並未議及此等佐領內護衛官員並無罪愆豈可悲行革此處亦應議及着交與八旗文武大臣等每旗各抒所見議訖着馬齊嵩祝徐元夢及領侍衛內大臣等公同詳悉定議具奏尋大學士馬齊嵩祝徐元夢及領侍衛內大臣等議覆臣等據各旗所議詳加參酌將宗室圖納阿禮納所互管之一佐領宗室汝福滿朱席禮巴進泰達里祜巴世山卓賚小

格格爾賓諾穆珠所管佐領并黑壽所管之宗室  
佐領共十一佐領歸併於鑲黃旗覺羅杜業理齊  
祿談都伊敦德成錫德琿瑪喇希增壽額禮赫常  
泰等之十佐領歸併於正黃旗覺羅納海里柱薩  
爾泰海蘭穆漢外敦白奇圖尹柱哈克泰佟保住  
等之十佐領歸併於正白旗伊等佐領內所有長  
史護衛典儀等官俱交內大臣帶領引

見應令如何行走之處恭候



諭旨遵行其前鋒叅領前鋒侍衛護軍叅領副叅領署叅  
領護軍校前鋒護軍人等俱令於上三旗當差行  
走其旗員部員及馬甲執事人等俱令在各本處  
行走伊等陞轉挑取之處仍俟本旗缺出頂補一  
應派兵派圍訓練等事俱隨本旗其俸餉米石亦  
於本旗支領凡遇朝會與上三旗官員一體行走  
其餘俱照宗人府原議施行奏入奉

旨依議

七年九月五旗王大臣等議覆據都統查爾泰奏

稱五旗諸王所屬之包衣佐領琿托和漢文稱管

轄宜歸畫一均分隸於各甲喇一事奉

旨着五旗諸王大臣等會議但會議此事不便同在一處

會議着各旗諸王與本旗大臣會議具奏欽此五旗諸

王公大臣等議得查各旗王等包衣佐領琿托和

管轄向未均勻分派以致各甲喇多少不等甚不

畫一臣等欽遵

諭旨將各旗所有之包衣佐領琿托和管轄各按甲喇均  
勻分派謹將五旗諸王大臣等議定原摺一併

呈

覽如蒙

皇上照依允行則各甲喇所有之包衣佐領琿托和管轄  
俱得均勻而一切會集稽查之事亦可整齊不致  
繁擾矣奏入奉

旨依議

乾隆元年三月奉

旨八旗株林佐領下人等互相爭訟不息

皇考降旨內閣查明

實錄定為舊管世管曉諭八旗此內倘有別故不服者將  
其原由指出雍正九年已

降旨曉諭今已數年鑲黃旗滿洲始行查奏則別旗亦有  
似此者亦未可定今若不斷定日後爭訟不息着總  
理事務王大臣等查辦永着為例定議具奏是年十

二月總理事務莊親王允祿等奏臣等遵

旨交八旗將雍正九年由內閣所定舊管世管佐領具  
奏後奉

旨問該佐領及其佐領下人其意遵從與否如有爭控  
者該旗如何辦理完結或未曾完結若衆意俱從  
並無爭端該佐領併佐領下人等俱書押具結造  
檔用佐領圖記叅領關防都統印信送赴查對在  
案今陸續查送有鑲黃旗滿洲哈祿馬楞泰兩個

佐領下人意不遵從尚有爭端該旗業經查奏鑲黃旗滿洲哲爾進佐領下候補筆帖式鈕詹等五人鑲白旗滿洲覺羅立柱六十保兩個佐領下筆帖式碩隆武鑲藍旗漢軍尚崇弼等五個佐領下人等不書押不具結而遞訟呈該旗將佐領根源所訟原由查送前來鑲黃旗滿洲和興等三個佐領下人正黃旗滿洲馬獻納青阿兩個佐領下人正白旗滿洲色楞額喜祿兩個佐領下人正紅旗

滿洲都望武等七個佐領護軍叅領七林四個佐領下人鑲白旗蒙古額爾德本圖多爾濟兩個佐領下郎中玉柱鑲紅旗漢軍金官佐領下原任輕車都尉李官等四人正藍旗漢軍佟連等六個佐領下驍騎校平喜思等雖係戶下之人各遞爭呈該旗將部檔查對旗檔尚未查明除此二十七個佐領外其餘俱遵奉並無爭端俱具結書押造檔咨送前來臣等查得從前八旗人等為佐領爭訟

不息因

世宗憲皇帝降旨交八旗大臣等會議派出都統鄂善等

四人將

實錄與部檔查對旗檔將八旗三百餘佐領分析定為舊

管世管具奏後奉

旨交大學士尹泰等復查

實錄無圈點檔內情由俱合或有株林字樣或曾經得賞

者奉



旨作為舊管一百四十八個佐領作為舊管佐領其餘一百五十七個佐領情由雖亦俱合並無得賞字樣者俱定為世管佐領具奏

世宗憲皇帝猶恐衆心或未愜服

降旨詢問是時或有該旗將佐領下人等齊集詢問者或亦有該旗惟將佐領甲喇所出之結給看俱各順從者並未按名親視詢問該佐領下人等是以伊等未能仰喻

聖意至今爭訟不息今

特降諭旨查八旗人等姓名原造入根由作書永垂臣  
等擬交八旗大臣等將舊管世管佐領原立根由  
詳細臚列所有佐領下人等俱聲明係何處之人  
如何入此佐領併將姓氏開寫該旗大臣親按佐  
領將所有官兵以至幼丁全行曉諭若俱遵從不  
起爭端各於名下書押具結後該旗會總具奏其  
押結檔案一分存貯旗庫一分咨送兵部存貯查

核此後如有爭訟者該旗即查明作速辦理具奏  
定議其鑲黃旗滿洲具奏所交哈祿馬楞泰等兩  
個佐領事哲爾進佐領下候補筆帖式鈕詹等不  
書押事鑲白旗滿洲覺羅立柱等佐領筆帖式碩  
隆武爭訟事鑲藍旗漢軍尚崇弼等五個佐領下  
控告事各該旗既俱查送前來臣等另摺具奏外  
鑲黃旗滿洲二十七個佐領下人等爭告之事該  
旗既尚未查送前來應交該旗大臣等將控告佐

領情由根源詳查再開導佐領下人等若遵從即  
會書押具結如仍不能明曉再行爭告將所告佐  
領根源之事查核

實錄定議具奏此次查定之後如再有爭訟之人將該都  
統併佐領所存之結與佐領根源檔案持出為證  
照例治罪如此則八旗佐領之事可以確定而爭  
訟之事亦可永息謹此具奏請

旨奉

旨此議盡矣着交八旗給限一年務明正辦理餘照所  
議

三年十一月奉

旨從前八旗承襲世職官員佐領時並無家譜皆由管  
旗大臣揀選奏放嗣恐管旗大臣辦理偏私雖添家  
譜而或有將不應與挑之人挑選而於應挑之人反  
為裁減且於佐領根源亦多不明晰八旗佐領根源  
若不詳查酌定日後必致爭訟不息因屢降諭旨交

王大臣等詳細查辦今覽八旗議定進呈家譜其勲  
舊佐領係功臣等帶來奴僕或因奮勉賞予奴僕作  
為佐領故惟將始立佐領人員之子孫挑選無論曾  
否管過佐領概予有分其始立佐領人員之親弟兄  
雖曾管過佐領而其子孫亦不應有分其世管佐領  
或因其將所屬一處之人帶來作為佐領令其管理  
或初立佐領時即管佐領後因陸續管理數世遂作  
為世管佐領又有另色佐領者今惟將始管佐領人

員之子孫作為應得之正分其續管佐領人員之子孫視其佐領根源分其支派之遠近量其管領數次之多寡有定為正分應得者有定為擬陪擬備者又有始管佐領人員之子孫念其祖先雖無分別支之人均係一祖之後裔亦准例入承襲有分之內或因本支原有佐領其他佐領讓與別房無佐領之人又有准其所請將有數佐領者每支各分佔一佐領以均承襲之分再補放佐領世職官員將出缺人之子

孫擬正將原立佐領世職人員之長房之子孫分別  
擬陪如出缺人無嗣有將原立世職佐領之長房之  
子孫擬正帶領引見者亦有將次房行輩居長之人  
因與原立世職人員支派較近者擬正長房之子孫  
擬陪帶領引見者再所繪家譜只將有分人員繪入  
無分人員裁減或無論有分與否概行繪入家譜將  
其事故註寫於旁所辦均未詳細再閱八旗所進家  
譜有從原立佐領內分出一二佐領者亦有分出數



佐領者其奏放所分出佐領時有於原佐領上粘貼黃簽者亦有於分出佐領上粘貼黃簽者八旗所辦並不畫一今既清查佐領根源永垂律例若不詳細查明定為畫一章程則日後致起爭端而管旗大臣亦礙難遵行辦理所有佐領根源除令原派出王大臣詳細議奏外着派慎郡王公訥親都統都賚副都統永興李元亮等將王大臣所議奏之佐領詳細斟酌分別定為應擬正擬陪擬備之分其應入家譜與

不應入家譜粘貼簽子何以分別明白等處詳為畫  
一辦理其八旗世襲官員襲職家譜亦著一併詳查  
定擬具奏是月王大臣等議覆恭惟

聖主辦理旗務無微不至今因八旗辦理世襲官員佐  
領未能均勻定為應得之分

特降諭旨令臣等妥協辦理以垂久遠此皆

垂念昔日戎行出力人員之子孫或有不肖之徒借端  
干求世職官爵因而爭訟恐傷和睦之誼以致管

旗大臣恐有辦理偏僻之至意臣等查得八旗陸續查來世管佐領五百九十缺遞管世管佐領十四缺共世管佐領六百有四缺詳查此等佐領根源當日始立佐領時或係將所屬之人帶來者或係將其親戚與同處之人合併帶來者或係只就一户之人立為佐領者或因始立佐領時即令伊等祖先管理續管雖曾有異姓之人而後仍歸本家管理者遂作為世管佐領等情既經查辦佐領

根源令八旗王大臣定議具奏應如原議辦理伏  
查雍正七年八月內鑲紅旗漢軍將紀達禮所管  
之佐領可否作為世管佐領之處請

旨具奏奉

旨此等佐領其始係伊家管理後經異姓之人管理數次  
後復令伊家管理者令伊等戶中如有可以補放之人  
即於伊等戶中揀選補放如不得人即於公中補放倘  
日後伊等戶中復能得人仍在於伊等戶中揀選補放

如此始合情理着將此通諭八旗永為令欽此又鑲白  
旗漢軍秦世祥所管同左夢庚一齊投降之人所  
編立佐領雍正三年正月內八旗王大臣議奏奉  
旨秦世祥所管佐領即依所議作為世管佐領其他同左  
夢庚一齊投降之人所編立佐領內有異姓管理者皆  
作為公中佐領此缺即着於秦世祥之子孫內挑放後  
如獲罪革職即着為公中佐領如因公株連者仍舊承  
襲欽此又原立佐領人員之子孫內

特旨分別應有分無分之處八旗大臣欽遵

上諭辦理再有分人員內有獲罪者其罪之輕重雖不相同今八旗既現有可遵之例無庸另議外詳查從前補放佐領所議入家譜有分之例或有將原立佐領人員之子孫無論曾否管過佐領均予有分者或有將未管佐領之人在於原立佐領人員子孫之後予以列名之分者或有原立佐領人員之子孫內有另立佐領者只就本身所立佐領予

以承襲之分或有將原立佐領人員之子孫內未  
曾管過佐領之人不予承襲之分者或原立佐領  
人員之親弟兄伯叔伯叔祖伯叔曾祖之子孫內  
所管理何佐領只就所管理佐領內予以同分擬  
陪之分列名之分者或有視其所立佐領自其高  
祖以下無論曾否管過之人均予以同分或自原  
管佐領高祖以上不能叙入家譜之遠支派之子  
孫管理佐領者均予以同分列名之分或原立佐

領之人無嗣其親弟兄之子孫無論曾否管過佐  
領均予以同分又未管過佐領之親弟兄之子孫  
不予應得之分等故辦理不同以致應得之分不  
能均平今若不將其家譜內人員之多寡行輩之  
遠近詳細斟酌定為應得之分日後伊等干求佐  
領以行輩之遠近借端干求之處斷乎難免查得  
八旗查來原立佐領人員之親子孫管理如鑲黃  
旗滿洲多羅岱等世管佐領二百九十四缺再奏



明分開應得之分如正黃旗蒙古伍隆安鑲紅旗滿洲馬廣等世管佐領十缺遵依所奏量其伊等支派分開應得之分補放佐領此等均係始管佐領人員之親子孫查從前補放勲舊佐領議定應得之分具奏之處原立佐領人員之子孫管理佐領之人內其長房管理佐領出缺時將出缺人之子孫擬正次房之子孫挑選擬陪列名若出缺人或無子嗣或獲罪革職補放佐領時其子孫不應

入挑仍於出缺之長房內視其人材普律挑選擬  
正其二房子孫管理佐領出缺時將出缺人之子  
孫擬正將長房之子孫普律挑選擬陪將次房之  
子孫挑選列名若出缺人或無子嗣或因獲罪革  
職補放佐領時其子孫不應入挑其本支派內雖  
有親弟兄伯叔之子孫不予擬正之分仍於長房  
子孫內普律挑選擬正若長房內現有管理佐領  
之人停其挑選將未管佐領支派之子孫內挑選

擬正出缺人之支派其餘支派之人按戶挑選擬陪列名其二三佐領在於一支派管理出缺時若仍將出缺人之子孫擬正則定分未能均平合於無佐領支派之子孫內擇其善者擬正出缺人之支派其餘支派之子孫挑選擬陪列名等因具奏為例辦理在案其世管佐領均係原立佐領人員之親子孫管理與補放勲舊佐領之例相同復詳加查辦並無可酌之例即遵依此例辦理再弟兄

一同帶來之人編立佐領如鑲白旗滿洲西成額等世管佐領二十六缺二三姓遞管佐領如正白旗蒙古富森泰等世管佐領十二缺查從前補放勲舊佐領議定應得之分具奏之處其弟兄一同帶來之人所立勲舊佐領二三姓所遞管勲舊佐領人員之子孫既均承襲有分如此一支派管理佐領出缺時將出缺人之子孫挑選擬正將彼一支派之內挑選擬陪其餘之人普律挑選列名其

二佐領在於一支派管理出缺時如將出缺人之子孫挑選擬正則定分未能均平合於無佐領支派之子孫內擇其善者擬正出缺人之子孫擬陪其餘之人普律挑選列名等因具奏為例辦理在案今弟兄一同帶來之人所編立勲舊佐領二三姓遞管之勲舊佐領補放之例相合即遵依此例辦理再世管佐領內原立佐領人員之子孫無嗣將近支派之人或將異姓之人作為子嗣內有管

理佐領者有未曾管理佐領者又有將原立佐領人員之子孫過與無分支派之人作為子嗣者查從前補放勲舊佐領議定應得之分具奏之處勲舊佐領人員之子孫內因無子嗣將遠近支派之人作為子嗣有管理佐領者有未曾管理佐領者若不將伊等應有分應無分之處議定日後爭訟之端斷乎難免過養之子雖非親生子但無子嗣之人自幼將伊過養有年而又繼續無子嗣人之

祭祀即與親生之子相同理應予以有分合依伊等養父應得之分予以有分若將異姓之人作為子嗣者不予以承襲之分等因具奏為例辦理在案今世管佐領內原立佐領人員之子孫無嗣將遠近支派之人與異姓之人過為子嗣者均照此例辦理外惟原立佐領人員之親子孫過與無分支派之人作為子嗣之處未曾議及原立佐領人員之子孫過與無分之支派之人作為子嗣者雖

係原立佐領人員之親子孫似應有分但伊等自幼過與他支派之人繼續他支派人之祭祀即與未管理佐領支派之人無異合依伊等養父管理佐領無分之處不予承襲之分再原立佐領人員無嗣將其遠近支派之人管理如鑲紅旗滿洲特克慎等世管佐領五十九缺查得從前補放勲舊佐領議定應得之分具奏之處原立勲舊佐領人員無嗣因不將他支派之人過養為子故將其親



弟兄伯叔之子孫管理伏查襲職之例除世管官員有子孫者仍舊承襲外如無親子孫者將其親祖父與親伯叔弟兄之子孫內補放等語今管理佐領之人均係原立佐領人員之親弟兄伯叔之子孫與承襲有分之例相合如出缺時將無嗣人之親弟兄之子孫無論曾否管過佐領均予以同分如因無親弟兄親伯叔之子孫管理佐領者即於親伯叔之子孫內無論曾否管過佐領均予以

同分其親伯叔之子孫內雖有曾管過者例應無分不予以承襲之分管理佐領無嗣人之親弟兄伯叔之子孫內其於一支派內出缺時照臣等現議之親子孫管理佐領之例辦理如係二支派所出者將出缺人之子孫擬正將彼支派之子孫擬陪其餘支派之子孫普律挑選列名等因具奏雖為例在案但原立世管佐領人員無嗣其佐領有其親弟兄伯叔之子孫管理者亦有雖有親弟兄

親伯叔之子孫其親伯叔祖伯叔曾祖之子孫不能叙入家譜遠支派人之子孫管理者此等世管佐領非勲舊佐領可比查補放世管佐領之例管理佐領人員之子孫有分未管理佐領之親弟兄之子孫無分管理佐領之人均有分臣等酌其情理量其支派之遠近將應得之分分別定議此等無嗣佐領出缺時將無嗣人之親弟兄之子孫無論曾否管過佐領均予以同分若親弟兄伯叔之

子孫皆無嗣其近支派之子孫照此予以承襲之  
分若一支派出缺者將其親子孫照管理佐領之  
例辦理若二三支派出缺者將出缺人之子孫擬  
正餘支派之人普律揀選擬陪列名若原立佐領  
無嗣人員雖有親弟兄之子孫而親伯叔之子孫  
內管理者予以同分若親伯叔祖伯叔曾祖之子  
孫內管理者予以擬陪之分若高祖以上不能叙  
入家譜之遠支派之人管理者予以列名之分雖

曾管過佐領永不予以擬正之分此辦理承襲之分視其管理何佐領只就所管佐領內予以承襲之分其所未管之佐領內不予承襲之分再原立佐領人員之子孫有情願不管佐領讓與遠近支派之人同分擬陪之分列名之分者又有管理佐領有分人員之子孫情願不要承襲之分之世管佐領十七缺查得補放世管佐領之例管理佐領人員之子孫有分未管理佐領人員之親弟兄之

子孫無分今情願讓分情願不要分之佐領其情  
由甚多臣等逐條詳議原立佐領人員管理佐領  
人員之子孫所應得之分均經臣等議奏為例予  
以應得之分外其未管佐領人員之子孫理合照  
補放世管佐領之例不應予以分但立佐領人員  
之子孫均係一祖之後裔念和睦友愛之誼情願  
讓與未管佐領人員之子孫之處經辦理佐領根  
源王大臣八旗王大臣不泯其和睦照依讓分之

處議奏臣等酌其情理詳議為例之處原立佐領人員之親子孫外其親弟兄伯叔之子孫所管理佐領者予以同分其親伯叔祖伯叔曾祖之子孫管理佐領者予以擬陪之分其高祖以上不能叙入家譜之遠支派之子孫管理佐領予以列名之分等語補放世管佐領之例未管佐領之人雖無分但原立佐領人員之子孫情願讓分與伊等即與管理佐領人員一體有分查得伊等讓分之處

其同分擬陪之分列名之分所讓者不同今既將一切補放佐領之處均畫一辦理若不將此畫一辦定則礙難遵行辦理請將伊等讓分之處照臣等議定之例准其讓分此等情願讓分之佐領既均照依伊等應得之分例子以分其情願不要分之人應不予以分又有將一户之人編立世管佐領如正紅旗滿洲剛專等七缺伏查補放世管佐領之例管理佐領人員之子孫有分未管佐領之



親弟兄之子孫無分此等佐領當其分出佐領時  
係因伊等戶中人已滿百名編立佐領於伊等戶  
中管者無論曾否管過家譜內有名之人均有分  
臣等酌其情理議得此等佐領出缺時將出缺人  
之子孫擬正將伊等戶中一切有分人員普律挑  
選擬陪列名以上世管佐領共六百四缺補放佐  
領之家譜仍照前奏將有分人寫入其無分人均  
裁減謹將臣等議定之十九條另摺繕寫並繪畫

每樣家譜恭呈

御覽俟奉

旨後交八旗大臣遵例辦理奉

旨知道了

九年五月鑲黃旗滿洲都統奏臣旗頭等侍衛烏達禪三等侍衛仲秋呈稱伊等原在黑龍江吉林烏拉居住於康熙年間奉

旨移居京城附於常雲世管佐領內並非常雲原編佐領

時所屬之人可否援例改隸旗下人少之公中佐  
領奉

諭旨從前因伊著有勞績故令移居京城宜皆附於公  
中佐領不宜附於世管佐領此事毋庸交部烏達禪  
仲秋着即移於公中佐領此外有未經查出者交與  
八旗都統查明移於公中佐領嗣後有似此關東帶  
來之人俱照此辦理

四十四年四月內務府奏乾隆二十五年正月內

由葉爾羌等處送到回人共男婦大小一百二十  
六名口賞柏和卓為佐領令其管理續經內務府  
奏准照各佐領之例額設驍騎校一人領催四人

謹按八旗佐領分併不常改隸亦復不一各詳其  
於本條茲特溯其沿革大端以著淵源所自始至

厄魯特佐領回部佐領數十年來我

皇上威懾德涵歸誠者日衆生齒亦復日繁茲特各據

其得隸旗籍之初著所自來其詳具載於

平定非噶爾回部方畧以無關於旗分故不備錄焉

以上滿洲佐領緣起

欽定八旗通志卷一

欽定四庫全書

欽定八旗通志卷二

旗分志二

八旗佐領二

銀黃旗滿洲佐領

鑲黃旗滿洲佐領上

一參領至三參領

鑲黃旗滿洲都統所屬參領五第一參領下佐領十八第二參領下佐領十七第三參領下佐領十七第四參領下佐領十七第五參領下佐領十七

第一叅領第一佐領係康熙十三年編隸輔國公  
常舒之佐領始以驍騎校漢初哈管理漢初哈故  
以公常舒之子鎮國將軍德寧管理德寧緣事革  
退以其弟間散宗室海寧管理海寧故以其弟間  
散宗室德永管理德永故以其兄松柱之子永貴  
管理永貴故以其子三等侍衛武德禮管理武德  
禮陞任以其叔父護軍叅領順安管理順安故以  
其子惟珠和管理惟珠和故以德寧之三世孫宗

室惠良管理

第一叅領第二佐領係康熙十三年將內大臣伯噶都護軍統領法噶叅領法哈喇三佐領內滋生餘丁分出一佐領以額亦都之孫都統拉哈達管理拉哈達補駐防將軍以其子少詹事喇巴管理喇巴補開元防守尉以喇巴伯祖班席之孫安都管理安都緣事革職以安都叔祖教德之二世孫一等待衛哈達管理後安都復職仍管此佐領又

緣事革職以安都之叔父拉哈達之孫佛倫管理  
佛倫降調以安都兄之孫奇蘭管理奇蘭緣事革  
退以安都之子赫柱管理赫柱出缺以其子舒敏  
管理舒敏出缺以其弟舒昌管理舒昌出缺以其  
曾祖班喜之五世孫奚通阿管理奚通阿出缺以  
其子興祿管理興祿出缺以其曾祖班喜之五世  
孫哈豐阿管理哈豐阿出缺以其子智慶管理

第一叅領第三佐領係康熙六年將護軍叅佐法



哈喇佐領內滋生餘丁分立一佐領以忠義公圖爾格之孫叅領順古圖管理順古圖故以其叔祖超哈爾之子一等待衛查拜管理查拜故以內大臣遏必隆之子護軍統領法喀管理法喀緣事革職以其弟內大臣二等公殷德管理殷德因病辭退以戶部尚書車爾格之二世孫二等待衛連壽管理連壽以足疾辭退以法喀之子薩穆哈管理薩穆哈告退以其伯祖鄂德之四世孫德新管理

德新陞任以其曾叔祖綽哈爾之四世孫唐雲管  
理唐雲故以其高伯祖達隆愛之四世孫興保管  
理興保陞任以其曾伯祖岳拜之四世孫拱照管  
理

第一叅領第四佐領係

國初編設始以額亦都第十六子內大臣遏必隆管  
理遏必隆故以護軍叅領法哈喇管理法哈喇故  
以一等侍衛延柱管理延柱故以二等伯唐保住

管理唐保住補奉天將軍以延柱之子哲爾金管理哲爾金革職以其堂弟阿敏爾圖管理阿敏爾圖故以其叔祖圖爾喜之四世孫延安布管理

第一叅領第五佐領係崇德八年編設初令戶部尚書覺羅薩璧翰管理薩璧翰故以其子吏部尚書科爾坤管理科爾坤故以其族子都統朱滿管理朱滿緣事革職以科爾坤之子都統佛倫管理佛倫緣事革職以其兄將軍蒙俄樂之子三等待

衛查克散管理查克散緣事革職以其兄查克丹之子二等侍衛齊世武管理齊世武陞任三姓地方副都統以其叔父覺羅崇武管理崇武緣事革職以其族弟舒翁阿太管理舒翁阿太故以其族弟常岱管理常岱故以其子岱成管理

第一叅領第六佐領係康熙六年將工部尚書額赫里佐領內滋生餘丁分出一佐領以其伯父伊爾登之孫內大臣二等伯噶都管理噶都故以其

子護軍統領應赫紫管理應赫紫因病辭退以其弟郎中管理藩院侍郎事恒德管理恒德緣事罷退以應赫紫之子伊星阿管理伊星阿緣事革職以其曾叔祖鄂德之四世孫同太管理同太補放遊擊以其兄增書保之子俊德管理俊德補放遊擊以其叔祖海拉遜之二世孫明通管理明通故以其子鐘敏管理鐘敏故以其子常福管理

第一叅領第七佐領亦係

國初編設始以額亦都之子護軍統領超哈爾管理  
超哈爾故以其兄車爾格之子尚書陳泰管理陳  
泰為大將軍南征卒於軍以超哈爾之子工部尚  
書額赫里管理額赫里故以其兄之子護軍叅領  
寬保管理寬保故以額赫里之子護軍叅領敦達  
禮管理敦達禮以老病辭退以其子蘇柱管理蘇  
柱年老休致以其叔祖珠瑪拉之二世孫常亮管  
理常亮故以其子中和管理中和告休以其子

倫泰管理

第一叅領第八佐領係康熙二十三年將護軍叅領寬保及內大臣二等伯噶都少詹事喇巴三佐領內滋生餘丁編立始以額亦都二世孫一等待衛宜圖庫管理宜圖庫故以其子川柱管理川柱緣事發遣以二等待衛寶色管理寶色往守

泰陵以其子三等侍衛明海管理明海故以其子郭興阿管理郭興阿補放山海關副都統以其叔祖寶色

之子達福管理達福故以其子善明管理

第一叅領第九佐領係康熙二十三年以瓦岱法喀二佐領滋生餘丁分立此佐領以超哈爾之子一等待衛敦多和管理敦多和故以其叔父內大臣公邁必隆之子領侍衛內大臣公阿靈阿管理阿靈阿故以其子三等待衛阿爾邦阿管理阿爾邦阿因病辭退以額亦都之三世孫三等待衛寶積管理寶積降調以車爾格之二世孫叅領赫邦



額管理赫邦額故以阿達海之三世孫舒林管理  
舒林揀發浙閩以遊擊用以其弟閒散富敏管理  
富敏病故以依爾登之三世孫三等侍衛占布管  
理占布革退以其堂弟護軍叅領瑪清阿管理瑪  
清阿故以其子閒散蘇勒通阿管理蘇勒通阿故  
以英赫資之二世孫永強阿管理永強阿因病告  
退以其子閒散烏爾圖那思圖管理

第一叅領第十佐領係康熙六年於巴爾虎達佐

領內分出一佐領以額亦都之孫二等阿達哈哈

番

漢文稱輕車都尉

莫洛洪管理莫洛洪故以其兄都統

兼議政大臣瓦岱管理瓦岱緣事革退以其兄托

岱之子二等侍衛阿永務管理阿永務故以莫洛

洪之子冠軍使陸實管理陸實故以其子冠軍使

申特管理申特故以額必倫之孫愛必達管理愛

必達陞任布政使以阿靈阿之二世孫穆克登管

理穆克登故以其子祥保管理

第一叅領第十一佐領亦係

國初編設始以額亦都之子侍郎教德管理教德故  
以其子二等侍衛托岱管理托岱故以其兄班席  
之子巴爾虎達管理巴爾虎達故以內大臣遏必  
隆之子二等侍衛福保管理福保故以其子二等  
侍衛額圖琿管理額圖琿陞任

泰陵總管以其兄之子恩特管理恩特陞任以其伯祖之  
三世孫豁什巴管理豁什巴故以其子塔清阿管

理

第一叅領第十二佐領亦係

國初編設始以愛通噶管理愛通噶故以其弟奇喇  
管理奇喇故以其弟俄木索科管理順治九年改  
令一等公鰲拜管理續以其子那穆福管理那穆  
福因事革退以覺羅他達管理他達年老辭退以  
那穆福之子三等侍衛達禮善管理達禮善故以  
其叔父之子一等阿思哈尼哈番

漢文稱男蘓合管理

蘓合故以達禮善之弟公達福管理達福陣亡以  
其子公岱屯管理岱屯故以其子德勝管理

第一叅領第十三佐領係康熙二十三年以覺羅  
佛倫所管半個佐領與內大臣覺羅他達所管半  
個佐領合為一整佐領以一等侍衛覺羅長命管  
理長命故以其子二等侍衛覺羅長生管理長生  
故以其弟三等侍衛覺羅長德管理長德故以長  
生之子覺羅長安保管理續以員外郎覺羅法海

管理法海陞任以雲麾使覺羅海雲管理

謹案覺羅佐領扎拉芬四保二人於乾隆四十五年八月告祭

太廟獻爵貽悞未到奉

旨革退經本旗具奏將此兩個佐領下覺羅人等合併

作為一覺羅公中佐領仍附入第一叅領所屬其餘兩個佐領下滿洲人等合併作為一公中佐領

仍附入第五叅領所屬

第一叅領第十四佐領係康熙十二年初編新滿

洲四十佐領之一始以札努喀管理札努喀因授

散秩大臣辭退佐領以奇紹管理奇紹故以札努喀

之子多喜管理多喜緣事革退以其叔父之子賽  
因圖管理賽因圖出缺以其子武什忒管理武什  
忒告病以札努喀之孫佛林保管理佛林保故以  
其子阿蘭泰管理阿蘭泰故以其子福僧阿管理  
第一叅領第十五佐領亦係康熙十二年始編新  
滿洲四十佐領之一初以二珠管理二珠因目疾  
辭退以其弟瓦留管理瓦留故以其子西木圖管  
理西木圖故以其伯祖之子達巴爾漢管理達巴

爾漢年老辭退以其子鄂通武管理鄂通武革退  
以其子程琳管理

第一叅領第十六佐領係康熙二十三年將札努  
喀瓦留二佐領內滋生餘丁分出一佐領以札努  
喀之弟一等侍衛巴爾出喀管理巴爾出喀故復  
以札努喀管理札努喀故以其族人二等侍衛碩  
龍武管理碩龍武緣事革退以札努喀之子多喜  
管理多喜故以其弟之子魏三管理魏三出缺以



其子札倫泰管理札倫泰出缺以其子阿興阿管理阿興阿革退以魏三之次子五倫太管理五倫太出缺以其子阿隆阿管理

第一叅領第十七佐領係雍正十三年冬奉

旨外祖凌柱之先人世敦淳樸克篤忠誠積厚流光惠及後裔爰誕育我

聖母皇太后播懿德於宮闈懋坤儀於邦國今外祖凌柱尚在公中佐領朕應推廣

皇太后之恩特賜佐領俾其子孫世相承襲但伊等一支人丁不敷編集凌柱之叔祖額亦都巴圖魯軍功所得屬人甚衆故編為九佐領此九佐領內滋生人丁頗多可於此內酌編一佐領共成十佐領其新編之佐領即令凌柱之子管轄將來子孫世襲罔替其族中子弟有願入新編佐領者聽之欽此隨將九佐領滋生人丁併公凌柱之本支及族人合編一佐領以公凌柱之子散秩大臣舅舅伊通阿管理伊通

阿故以其子親軍觀音保管理

第一叅領第十八佐領係乾隆四十年奉

旨將

令懿皇貴妃之外戚人等由內務府撥出編立本旗  
因人丁不敷作為半分世管佐領以員外郎包衣  
佐領德馨管理德馨故以其子領催桂林管理桂  
林故以其子馬甲花沙布管理

第二叅領第一佐領係康熙十九年編立初以內

務府總管噶祿管理噶祿故以其子一等侍衛海  
青管理海青緣事革退以其叔父二等阿達哈哈  
番兼二等侍衛色勒管理色勒緣事革退以其子  
一等待衛色克圖管理色克圖緣事革退復以海  
青管理海青故以其子來文管理來文陞任江寧  
將軍以其弟之子三等侍衛札勒杭阿管理札勒  
杭阿陞任山西叅將仍以來文管理來文告病以  
其姪國興額管理國興額故以來文之子奇秀管

理奇秀革退以其堂弟厄騰額管理厄騰額故以  
其子福勒敏管理

第二叅領第二佐領係康熙七年編立初令領侍  
衛內大臣公倭赫管理續以其子公傅爾丹管理  
續以其子公兆德管理兆德緣事革退以其弟公  
哈達哈管理哈達哈緣事革退仍以其兄兆德管  
理兆德故以其子克陞額管理克陞額緣事革退  
以其弟復興管理復興故以其弟富銳管理

第二叅領第三佐領係

國初以馬佳地方來歸人丁編立始令黑東格之孫

札爾固齊

漢文稱遊牧

雅希禪之子拜他喇布勒哈番

漢文稱騎都尉

龔袞管理龔袞袞陣亡以尼馬禪之子叅領

溫都禮管理溫都禮陞任江寧協領以其弟一等

侍衛譚都管理譚都故仍以溫都禮管理溫都禮

陞任

陵寢總管以其子一等侍衛濟博琿管理濟博琿故以其

叔父之子一等侍衛達賴管理達賴故以雅希禪  
之二世孫釋迦保管理釋迦保故以其子富森管  
理富森陞任

盛京刑部侍郎以其子長春管理長春緣事革職以  
其弟臺麟管理臺麟陞授貴州副將以富森之孫  
親軍魁成管理

第二叅領第四佐領原係第三佐領內人丁康熙  
二十三年達賴管佐領時因人丁滋盛分出一佐

領以其伯父之子一等侍衛常官保管理常官保  
緣事革職以其伯祖黑東格之二世孫副都統噶  
勒璧管理噶勒璧年老辭退以其子恩格德管理  
恩格德因病告退以常官保之子陳岱管理陳岱  
緣事革職以其弟清海管理清海故以其子永德  
管理永德緣事革職以其伯父成岱之子六安管  
理

第二叅領第五佐領亦係第三佐領內人丁康熙



七年濟博琿管佐領時將滋生餘丁分出一佐領  
與黑東格之二世孫護軍統領洪海管理洪海原  
品休致以尼馬禪之二世孫常官保管理常官保  
陞任白都訥副都統以其子護軍統領哈岱管理  
哈岱故以其族孫色克圖管理色克圖故以其子  
阿克棟阿管理阿克棟阿故以其族弟玉璧管理  
第二叅領第六佐領係

國初以薩克達地方來歸人丁編為半個牛录以推

鼎次子郎西管理續以其弟佟泰管理續以其弟  
賽音布管理續以佟泰之子吳囊阿管理後因人  
丁滋盛遂編為一整佐領以吳囊阿伯父之孫吏  
部侍郎常書管理常書緣事革退以侍郎努赫管  
理續以正卿花色管理續以侍讀盧海管理續以  
都統覺羅阿爾圖管理阿爾圖解任以副都統覺  
羅諾木齊管理續以副都統戴豪管理戴豪陣亡  
以侍郎常書之孫吏部郎中常齡管理常齡故以

其子常恒管理常恒故以其弟永安管理

謹案此佐領於康熙三十六年常書獲罪革退將此佐領作為公中佐領於雍正十一年奉

旨仍將常齡放為  
世管佐領

## 第二叅領第七佐領係

國初以蘓完地方來歸人丁編立始以索爾果第五子吳爾漢管理續以吳爾漢之弟二等阿思哈尼哈番吳賴管理吳賴故以其弟一等阿思哈尼哈番巴賽管理續以吳賴之子三等侍衛多敏管理

續以多敏之子二等阿思哈尼哈番護軍叅領古  
德管理古德緣事革退以巴賽之子護軍叅領勒  
和德管理續以勒和德之子三等侍衛色爾圖琿  
管理續以吳賴之孫都統布爾寨管理續以古德  
之子一等侍衛吳克登管理續以吳克登之弟一  
等阿達哈哈番多進管理續以勒和德之孫拜他  
喇布勒哈番南泰管理南泰陣亡以其子貴山管  
理續以札爾賽之子永寧管理永寧故以其子雙

祿管理雙祿故以其弟興祿管理

第二叅領第八佐領亦係

國初以蘓完地方人丁編立始以索爾果之第九子  
盛京八門總管衛齊管理衛齊故以其子都統兆布  
泰管理兆布泰出征以其弟內大臣巴哈管理巴  
哈故以其子一等侍衛拜思哈管理拜思哈故以  
其子二等侍衛官保管理官保故以其叔父領侍  
衛內大臣瓜爾察管理瓜爾察緣事革退以其兄

之子喜昌管理喜昌故以其子副都統明良管理  
明良緣事革退以其伯父之孫傳定管理續以傳  
定之子他克尚阿管理他克尚阿故以其叔祖明  
良之子希喇布管理希喇布故以其子巴彥布管  
理

第二叅領第九佐領原係第八第十兩佐領內人  
丁康熙二十三年官保蘓爾達管佐領時將二佐  
領內餘丁另編一佐領與兆布泰之孫二等阿思

哈尼哈番護軍叅領西圖管理西圖故以其子二等阿達哈哈番二等侍衛官福管理官福因病告退以其子二等阿達哈哈番三等侍衛兆岱管理兆岱故以其兄二等阿達哈哈番兆明管理兆明因事革職以兆布泰之三世孫色楞管理色楞故以其子寧祿管理寧祿革職以其伯曾祖石圖之孫兆全管理兆全故以其兄色楞之次子寧安管理

第二叅領第十佐領原係第八佐領內人丁康熙七年拜思哈管佐領時因人丁滋盛分出一佐領與拜思哈叔父之子蘇爾瑪管理蘓爾瑪緣事革退以其伯父之子蘓爾達管理蘓爾達故以其子護軍叅領蘓爾住管理蘓爾住因病告退以其弟一等侍衛哈祿管理哈祿告退以其伯穆禮瑪之二世孫諾倫管理諾倫陞任山西叅將以其曾伯祖巴哈之三世孫富爾敦管理富爾敦陞任雲南



遊擊以穆禮瑪之三世孫善德管理善德故以其弟興德管理興德陞任雲南遊擊以其弟靈德管理

謹案此佐領於蘓爾瑪管理時因事獲罪作為公中佐領以左都御史呢滿管理續以侍郎班第管理班第陞任

盛京侍郎奉

旨仍以蘓爾瑪之堂弟蘓爾達管理

第二叅領第十一佐領係康熙三十四年將瓜爾察蘓爾達西圖三佐領內餘丁編立始以索爾果

之第八子雅爾巴之二世孫三等侍衛法色管理  
法色故以衛齊之二世孫唐喀管理唐喀緣事革  
退以雅爾巴之四世孫驍騎校馬楞岱管理馬楞  
岱故以其子厄稜特管理厄稜特故以其子兆亮  
管理兆亮故以其弟傅森布管理

第二叅領第十二佐領亦係

國初以蘇完地方人丁編立始以索爾果之孫查喀  
尼管理續以查喀尼兄之子副都統多頗羅管理

續以查喀尼之子倭赫管理續以倭赫之弟一等  
侍衛札秦管理續以札秦兄之子三等侍衛雅圖  
管理續以雅圖之弟三等侍衛雅爾賽管理雅爾  
賽故以其子闕寧管理闕寧故以其子瑞和管理  
第二叅領第十三佐領亦係

國初以胡爾海地方來歸人丁編立始以波吉禮管  
理波吉禮緣事革退以納爾忒管理納爾忒陣亡  
以莽色管理莽色故以訥辛管理訥辛故以潭都

管理至順治七年改令滿都禮管理滿都禮駐防陵寢以其兄之子鑾儀使囊武管理囊武故以其弟監察

御史南西管理南西故以其弟禮部尚書三泰管理三泰故以其叔滿都禮之孫穆騰阿管理穆騰阿故以其伯祖囊武之孫察郎阿管理察郎阿陞任同知以其叔三泰之孫闕敏管理闕敏故以其子薩郎阿管理

第二叅領第十四佐領原係第十三佐領內人丁

康熙十一年囊武管佐領時將滋生餘丁分出一  
佐領與噶都琿管理噶都琿故以護軍叅領拉篤  
琿管理拉篤琿故以上駟院侍衛薩都禮管理薩  
都禮故以員外郎和碩色管理和碩色緣事革退  
以理藩院郎中圖蘭管理圖蘭陞任

盛京刑部理事官以護軍叅領馬考管理馬考緣事  
革退以領侍衛內大臣馬武管理馬武調管原佐  
領以正白旗蒙古都統巴爾米忒管理巴爾米忒

因病辭退以精奇尼哈番

漢文稱子

一等待衛豐阿達

管理續以嘎住管理嘎住故以副都統增壽保管理增壽保故以都統廣成管理廣成故以都統永德管理永德故以學士博青額管理博青額陞任以叅領關明管理關明陞任以御史索寧安管理索寧安陞任以副都統老格管理老格休致以叅將靈和管理

第二叅領第十五佐領亦係第十三佐領內滋生

餘丁康熙三十四年分出一佐領以二等阿達哈  
哈番喀都禮管理喀都禮故以其孫朝倫管理朝  
倫緣事革退以其弟舒通阿管理舒通阿故以其  
子官福管理

第二叅領第十六佐領條

國初以札魯特地方來歸人丁編立始以其人布爾  
賽管理後改令副都統色楞管理續以二等待衛  
伊薩穆管理續以尚書阿爾尼管理續以護軍叅

領巴特瑪管理續又以尚書阿爾尼管理續以內  
大臣阿濟圖管理續以散秩大臣安楚庫管理安  
楚庫緣事革退以其叔那木塔爾之孫保雲管理  
保雲陞授副都統以其弟保德管理保德陞授副  
都統以其伯祖阿爾尼之二世孫色倫特管理色  
倫特故以其子中孚管理中孚故以其子惠昌管  
理惠昌故以其弟惠英管理惠英故以其弟惠寧  
管理



第二叅領第十七佐領原係第十六佐領內人丁

阿齊圖管佐領時將餘丁分出一佐領以散秩大

臣果廉管理續以二等侍衛兼拖沙喇哈番

漢文稱雲

騎尉普慶管理普慶陞任總兵以其伯曾祖拉世西

布之二世孫諾爾布管理諾爾布故以其子濟格

管理濟格陞任遊擊以其叔曾祖桑阿爾之四世

孫昆成管理昆成故以其子多倫管理

第三叅領第一佐領原係哈達人戶

國初征哈達時將其逃散人丁招集編為牛录與顏布祿巴圖魯管理顏布祿年老告退以其子布達禮管理布達禮隨公主往開元以其子布克沙管理後公主奏准將布克沙解任與其父一處行走因以顏布祿弟之子巴山管理巴山因年老辭退以其子舒恕管理舒恕年老辭退以巴山兄之孫穆成額管理穆成額陞任

盛京侍郎以巴山叔父拜穆布之二世孫副都統佛

濟保管理佛濟保故以郭柱管理郭柱故以其子  
藍翎侍衛圖克談管理圖克談緣事革退以巴山  
之孫一等阿達哈哈番長青管理長青因病告退  
以其子滿丕管理滿丕告退以其子扎拉芬管理  
扎拉芬故以其子舒魯管理

第三叅領第二佐領原係

國初以沙濟地方來歸人萬塔什之族衆合別姓滿  
洲編為半個牛录令萬塔什管理後以來歸人戶

陸續增添始編為整佐領萬塔什陞任

昭陵總管以其叔父之子法特哈管理法特哈故以其子

法喇管理法喇年老辭退以其子陀論寶管理陀

論寶緣事革退以叅領赫雅圖管理後陀論寶復

職仍管此佐領陀論寶故以其弟之子伯僖管理

伯僖故以萬塔什之三世孫策爾圖管理策爾圖

緣事革退以滿德管理滿德故以富寬管理富寬

緣事革退以石柳管理石柳故以德義管理

第三叅領第三佐領係

國初以薩齊庫地方來歸人丁編立始以伊勒慎管理伊勒慎駐防杭州以其長子郎圖管理郎圖陣亡以其弟馬拉希管理馬拉希緣事革退以郎圖之二世孫童圖管理童圖故以其弟之子拜他喇布勒哈番穆蘭管理穆蘭故以郎圖之三世孫興德管理興德陞授副都統以穆蘭之子官福管理官福陞授叅將仍以興德管理興德故以其弟巴

隆阿管理巴隆阿故以其子定柱管理

第三叅領第四佐領原係第三佐領內滋生餘丁  
康熙二十三年童圖管佐領時另編一佐領以其  
族祖費揚古管理費揚古故以其子福壽管理福  
壽緣事革退以童圖之弟圖爾泰管理圖爾泰故  
以其子德盛額管理德盛額故以福壽之子富寧  
管理富寧故以德盛額之子長靈管理長靈故以  
其子福智管理福智故以穆蘭之子長青管理長

青故以其子富陞管理

第三叅領第五佐領係

國初以扎魯特地方來歸人丁編立始以其人碩賓  
管理續以卓爾賓管理續以琿齊管理續以鼐滿  
岱管理續以厄塞衣管理厄塞衣緣事革退以巴  
克貝勒之孫一等侍衛朝克圖管理朝克圖緣事  
革退以巴克貝勒之二世孫二等阿思哈尼哈番  
畢力克圖管理畢力克圖故以其弟護軍巴查里

管理巴查里故以其父散秩大臣圖護魯克管理  
圖護魯克年老辭退以其子二等阿思哈尼哈番  
二等侍衛沙津達賴管理沙津達賴緣事革退以  
其弟二等阿思哈尼哈番二等侍衛特古思管理  
特古思故以其子龔山管理龔山故以其子鄂恒管  
理鄂恒故以其子松祿管理松祿故以鄂齊爾桑之  
五世孫蘓爾泰管理蘇爾泰故以其弟西爾泰管理  
兼管察哈爾地方勲舊佐領此佐領原係廓爾沁



扎賚特地方貝子博爾濟吉特氏來歸

太宗文皇帝時以巴雅爾留住本地編為一個佐領初以巴雅爾之弟鄂齊禮之子濟那管理濟那故以其弟之孫伍什布管理伍什布故以其子博勒洪武管理博勒洪武故以其子德存管理

謹案旗冊此佐領係第三  
三叅領第五佐領兼管

第三叅領第六佐領即第五佐領內滋生餘丁康熙十一年畢力克圖管佐領時另編一佐領以巴

克貝勒族孫舒爾瑚那管理舒爾瑚那年老辭退  
以朝克圖之子散秩大臣庫爾察管理庫爾察故  
以其子長命保管理長命保年老告退以其子岳  
尼管理續以鄂爾齊桑之六世孫文舒管理文舒  
放西安府防尉以畢力克圖之姪四格管理四格  
因病告退以其子永清管理

第三叅領第七佐領係第五第六兩佐領內滋生  
餘丁康熙二十三年復分編一佐領以巴克貝勒

之二世孫布晏圖管理布晏圖故以其子巴渣里  
管理巴渣里陞散秩大臣往守

陵寢以其叔父兆德管理兆德因病辭退以其子馬濟管  
理馬濟緣事革退以散秩大臣巴扎爾管理巴扎  
爾故以其子巴哈納管理巴哈納陞授副將以其  
子玉衡管理續以其叔副將素域管理素域緣事  
革退以其族兄岳尼管理岳尼故以其子觀音保  
管理

第三叅領第八佐領原係康熙十五年以雅爾虎  
地方來歸人丁編立始令諾海管理諾海緣事革  
退以其弟一等侍衛胡奇德管理胡奇德故以其  
孫官德管理續以印務叅領薩克慎管理薩克慎  
陞任以鑾儀使隆安管理

謹案官德於乾隆三十九年緣事革職無人承襲  
奉

旨作為公中  
佐領

第三叅領第九佐領係第十第十一兩佐領內滋

生餘丁康熙二十三年分編一佐領以大學士馬  
齊之第三弟馬武管理四十八年因其兄馬齊獲  
罪改令佐領下三等侍衛厄爾特管理五十一年  
馬齊復職仍以馬齊管理馬齊因年老辭佐領任  
以其子傅慶管理傅慶故以其子賽弼漢管理賽  
弼漢故以其子永安管理

第三叅領第十佐領原係

國初以沙濟地方來歸人丁編為半個牛录令王吉

努管理王吉努故以其子萬濟哈管理萬濟哈故  
以其子內大臣哈什屯管理哈什屯故以其子戶  
部尚書一等阿思哈尼哈番米思漢管理至康熙  
三年人丁足額始編為整佐領米思漢故以其長  
子都統兼內務府總管馬思喀管理馬思喀故以  
其子三等侍衛那爾泰管理那爾泰故以其子二  
等侍衛傅昌管理傅昌故以其弟佛成管理

第三叅領第十一佐領係第十佐領內滋生餘丁

康熙十一年馬思喀管佐領時分編一佐領與馬  
齊管理馬齊陞任山西布政使以其弟李榮保管  
理後亦因馬齊獲罪改令其族人陶柱管理陶柱  
故馬齊復職將此佐領奏准以馬齊之弟馬武管  
理馬武故以其子三等侍衛保柱管理保柱放廣  
東提督以其子富景管理富景故以其伯之孫長  
安管理

第三叅領第十二佐領原係

國初以哈爾敏地方來歸人丁編為半個牛錄以渣齊巴管理渣齊巴年老辭退以其子邦孫管理邦孫故以其子碩色管理至康熙二年人丁足額始編為整佐領碩色故以其子圖爾喀管理圖爾喀緣事革退以渣齊巴之弟蘓克渣哈之孫尼雅漢管理後圖爾喀事白仍令圖爾喀管理後又緣事革退以其弟阿藍圖管理阿藍圖故以其子托克托和管理托克托和緣事革退以尼雅漢之子禮



部侍郎舒禧管理舒禧故以其子關保管理關保  
故以其弟拉靈阿管理拉靈阿故以其子阿勒京  
阿管理阿勒京阿故以其弟穆騰額管理

第三叅領第十三佐領係第十二佐領內滋生餘  
丁康熙二十三年阿藍圖管佐領時另編一佐領  
以渣齊巴之孫常武管理常武委署前鋒叅領出  
征陣亡以其子舒泰管理舒泰故以其子富明阿  
管理富明阿故以其子廣福管理廣福故以其弟

都什巴管理都什巴緣事革退以其堂兄護軍額圖琿管理額圖琿故以其子善寧管理

第三叅領第十四佐領係

國初以蘇克蘇湖河安都瓜爾佳地方來歸人丁編立始以那爾察管理那爾察故以其子佛索立管理佛索立故以其弟都統胡沙管理胡沙故以其子一等侍衛噶勒弼管理噶勒弼故以其叔父吳沙之子二等侍衛色楞管理色楞故以其兄散秩

大臣胡弼圖管理胡弼圖往守

景陵以其子護軍叅領伊起祿管理伊起祿任

永陵副總管以其子大理寺寺正對秦管理續以其族孫額勒本管理續以其堂弟永寧管理永寧故以其子明志管理

第三叅領第十五佐領係第十四佐領內滋生餘丁康熙八年噶勒弼管佐領時另編一佐領以噶勒弼伯父佛索立之孫驍騎校佛爾和管理佛爾

和故以其子奎馬立管理奎馬立故以其叔祖之  
子郎圖管理郎圖故以其子常玉管理續以奎馬  
立之孫海福管理海福告病以其弟舒圖倫管理  
第三叅領第十六佐領係第十四第十五兩佐領  
內滋生餘丁康熙二十三年色楞奎馬立管佐領  
時分編一佐領以色楞之兄郎中鄂齊立管理鄂  
齊立陞任江寧副都統以其弟之子一等阿達哈  
哈番郎泰管理郎泰陞任

景陵總管以其弟藍翎侍衛郎蘇管理郎蘇故以其兄之子三等侍衛傳海管理續以其子恒德管理恒德告病以其子松齡管理

第三叅領第十七佐領原係康熙六十一年十二月將正藍旗蒙古旗分查克丹佐領下莽鵠立之合族人衆及各公中佐領下餘丁共編一佐領即以莽鵠立管理莽鵠立由侍郎陞任甘肅巡撫以其子莽泰管理莽泰草退以員外郎魁書管理續

以印務章京什亮管理什亮病故以內閣學士成策管理成策陞任以冠軍使明英管理明英革退以御史穆克登額管理

謹按此佐領於乾隆二年經辦理八旗世職佐領根源事務王大臣議奏作為無根源佐領出缺時將本家有分人員旗員一併補放乾隆三十二年奉

旨作為公中

佐領

欽定八旗通志卷二